

DISSERTATIO MEDICA,
INAUGURALIS,

DE

I C T E R O.

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S. S. T. P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subijcit

GULIELMUS QUILLIN,

EX INSULA MONA,

Reg. Societ. Physic. Edin. S. H.

Quod potes, id tenta: Nam littus carpere remis

Tutius est multo, quam velis tendere in altum.

CATO. DISTICH.

Ad diem 24. Junii, hora locoque solitis.

EDINBURGI:

Apud BALFOUR et SMELLIE,

Academiae Typographos.

M,DCC,LXXXVIII.

322291



Avunculo suo carissimo

J O A N N I Q U A Y L E,

A R M I G E R O,

Non tantum ob monita amica,

Sed etiam ob curam attentionemque,

Magnas sibi orbo relicto impensas,

Quae grata memoria nunquam non tenebuntur;

Item,

Digitized by the Internet Archive
in 2020 with funding from
Wellcome Library

Item,

J O A N N I K E N N E D Y,

A R M I G E R O,

Uni e Domo Tutorum in Insula Mona,

Viro ab omnibus,

Quibuscum aliquid notitiae cum eo intercedat,

Magnopere dilecto,

Qui summa et incussa probitate praeditus,

Amicis patriaeque nunquam non consulit,

Propter multa et magna beneficia ab eo accepta;

Denique,

Denique,

COLINO LAUDER,

ARMIGERO,

Collegii Chirurgorum Edinensis Regii socio dignissimo,

Et ob se primis artis chirurgicae et Hippocraticae

Rudimentis ab eo diligenter imbutum,

Et magis etiam ob amicitiam stabilem

In sese constanter

Demonstratam,

Hanc Dissertationem Medicam Inauguralem,

Ut parvulum animi minime ingrati monumentum,

Ea, qua par est,

Observantia,

D. D. cq.

AUCTOR.

Dei me

G O L D I N O L A U D E R

A R M I G E R O

Collegii Chirurgorum Tübinger Regii loco dignissimo

et de se primis artis chirurgicae et Hippocraticae

Medicinis ab eo delictis innotuit

Et magis etiam de apicibus habili

In hoc consuet

innotuit

Itaque Dissertationem Medicam inauguralem

Ut postea innotuit innotuit

Innotuit

innotuit

innotuit

A U G U S T O R

DISSERTATIO MEDICA,

INAUGURALIS,

DE

I C T E R O.

P R O Æ M I U M.

NEMO sibi in animum inducat, morbum, cujus delectum habuerim, quemque sim executurus in hacce dissertatione inaugurali, licet vulgaris sit, igiturque minime difficilis esse videatur, attentione medici esse indignum. Namque, quanquam nonnullis in exemplis sponte decedit, et non multum molestiae aegrotis faceffit, in plerisque pertinax est et aegre depellitur, medicinae parere non raro ex toto recusans; adeo ut non tantum iis, quae alii tradiderint, cognitae, sed propriis inventis opus esse possit. Quae super morbo proponenda habeo, ea quam paucissimis absolvam.

A

DE FL

D E F I N I T I O M O R B I.

Cum accuratior autem Culleniana vix possit excogitari, eam adhibere non dubitabo. Sic fere habet. “ Flavedo oculorum et cutis; faeces albae; urina obscure rubra, immixta colore luteo tingens.”

H I S T O R I A.

Hic morbus nulla aetate, nullo temperamento, neutro sexu, circumscribi videtur; adultos tamen saepius, quam pueros, foeminas, quam viros, temperamentum melancholicum, quam alia, infestare videtur. Signa in aliis aegrotis longe aliter accedere consueverunt. Morbus quidem eundem hominem, diversis temporibus, diverse afficit. Praeter notas, quae definitione supra posita comprehenduntur, sequentes invadere solent; dolor nempe in regione jecoris obtusus, gravitatis et tensionis circa praecordia sensus, corporis totius torpor et lassitudo, superficiei corporeae pruritus et ariditas, sitis nonnunquam magna.

magna. Arteriae vero raro, praeter consuetudinem, agitantur. Dolor hypochondrii dextri sensim intenditur, lassitudo corporis universi major evadit; accedunt somnolentia, interdum sopor, spiritus difficilis, oris amaritudo, adeo ut et cibus et potio saporem perquam ingratum habeant, nausea, quae vera vomitione tandem plerumque finitur, summa praecordiorum anxietas. Flavedo non amplius oculorum albo continetur; sed prius cervices, deinde universam corporis superficiem, pervagatur, pulchritudinem ejus foedans et corrumpens. Quae urina hoc tempore redditur, ea aliquid crassum subnigrumque deponere solet. Dolores, qui modo diutius urgent, modocitius decedunt, partes abdominis diversas intrinsecus infestare incipiunt; et abdomen ipsum extrinsecus frequenter intumet. Reliqui humores quoque colorem non minus flavum, quam urina ipsa, tandem sibi assumunt. Hujusmodi sunt saliva, sudor, &c. Si morbus non levatur, sed singulis diebus ingravescit, flavedo, quasi corpore extremo non amplius contenta, longius longiusque sese diffundit, in partes ejus intimas penetrans, ~~telam~~ cellulosam, medullam ossium, terram eorundem, substantiam cerebri medullosam, partes denique universas, quasi praedam suam, occupans. Cutis ipsa quoque ad extremum ex toto nigrescit, quod in causa est, cur morbus longe

profectus

profectus *niger* fuerit denominatus. Nonnulla signa, praeter ea quae supra comprehenderimus, canalis alimentarii propria sunt, ut durities alvi, concoctio imminuta, acor, inflatio, &c. quae ibi sedem plane habent, et saepe gravissime saeviunt. Quantum vero ad alvum duram attinet, ea quidem plerumque subest. Exempla tamen non defunt, si fides nonnullis habenda, ubi non tantum, sub ipsa initia, sed in spatium temporis non parvum, postquam morbus accesserat, soluta mansit. Faeces per totum morbi decursum plerumque sunt albae, ut in definitione supra posita fuit notatum; et, rebus ita se habentibus, spissitudinem luti habent, et foetore solito, magna ex parte, destituuntur. Colorem vero naturalem flavidumve, saltem in aliquantum temporis, licet flavedo in aliis corporis partibus semet jam ostenderit, interdum retinere videntur. Memoria quoque tenendum est, aegrotos paroxysmis rigoris aliquando fuisse correptos, qui, licet graves esse videantur, multo plus terroris, quam periculi, secum adducunt. Quinetiam dolor hypochondrii dextri, quibusdam in exemplis, propemodum ex toto intolerabilis est, mentem totum, sine ullis intervallis, nonnunquam urgens; plerumque vero, non ultra biduum triduumve, sine intermissione, infestans. A quibusdam affirmatur, oculis ictero laborantium objecta flava videri. Super hac re alii alia sentiunt.

sentiunt. Hoc vero quam proxime ad veritatem accedere videtur. Plerisque aegrotantium ob oculos obversantia non flava videntur; res vero non semper ita se habet. Namque pauculis caerulea viridia, alba, flava visa sunt. Mulieres praegnantēs et pueri recens nati aliquando hoc morbo tentantur; sed in utrisque, sine ope medicinae, plerumque decedit. Paroxyfmi icteri, quod silentio minime praetereundum est, longitudine et gravitate magnopere differunt. Modo in biduum triduumve tantum, modo in spatium annum multove diuturnius, infestant, modo leviores, modo graviores. Si redeunt, eundem cursum plerumque tenent. Memoria nunquam excidat, paroxysmum gravem magnam debilitatem et attenuationem plerumque facere; quamvis exempla minime defunt, ubi paroxyfmi in magnam longitudinem producti, magnoque gravitate stipati, non multum injuriae detrimentive aegrotantibus intulerunt.

Haec ad extrema fere jam ventum esse testantur, morbus gravis diuque manens, praesertim nulla ex parte levatus, vires aegroto miserando ex toto convulsae, pedum oedema, aliis hydropis summaeque debilitatis signis adjunctum, profusiones sanguinis copiosae, sudores digerentes.

Vir celebris Hillarius, dum morbos insulae Barbadae exequitur, icteri mentionem facit, qui potissimum in pueros, ab anno aetatis tertio, ad septimum octavumve usque, invasit. Plerumque ab aversatione ludi et motus, appetitu prostrato, excretionibus alvinis albidis et duris, dolore circa regionem hepatis parvo et obscuro incepit. Quidam leviter febricitarunt; sed omnes notis inflammationis hepatis ductuumve biliferorum caruerunt. Alii nullo calore febrili tentati sunt; sed in cute oculisque omnium non parum flavedinis semet ostendit. In morbum plerumque multum potuerunt cathartica refrigerantia, medicamenta e sapone parata, stomachica paucula leniora *.

D I A G N O S I S.

Paucissimi quidem morbi sunt, qui cum ictero confundi periclitantur. Ex iis vero praecipui sunt,

1. *Chlorosis.*

* Vide Diseases of Barbadoes, p. 61.

1. *Chlorosis*.—Discrimen autem, quod hanc inter et icterum morbumve regium, ut ab antiquioribus scriptoribus fuit appellatus, intercedit, adeo manifestum et evidens est, ut in eo depingendo multum operae ponere foret supervacaneum. Quae flavedo in chlorosi semet ostendit, si nomen hujusmodi meretur, ea est potius cutis pallor vel decoloratio, uti optime in definitione hujus morbi Culleniana describitur, quae in omnibus magnae et universae relaxationis et debilitatis exemplis nunquam non apparet, conditionis hoc genus corporeae quodammodo propria, et ab ictERICA toto coelo differens. Quinetiam album oculorum haudquaquam aequae, ac in ictero, adficere et foedare solet. Urina quoque chlorosi laborantium et alia excreta nihil, parumve saltem, mutationis subeunt. Quantum ad urinam attinet, immissa colore luteo nunquam tingit. Insuper, multa alia signa sunt, quae in chlorosi adsunt, in ictero absunt; rei nempe non esculentae desiderium, venae minus plenae, corporis tumor mollis, cordis palpitatio, menstruorum saepe retentio, asthenia, multo major. Denique, quae mulieres chlorosi conflictantur, eae nunquam dolorem dextri hypochondrii acutum, sed dorsi, lumborum, partiumve iis vicinarum, queruntur. Chlorosis quoque eo tempore, quo menstrua proveniunt aut provenire debent, circumscribitur; icterus vero nulli aetati sexuive parcat.

2. *Morsus quorundam animalium venenati.*—Quae animalia morsus hujusmodi aliis animantibus infligunt, ea sunt aspides, viperae, araneae certae, canes rabidi, &c. Quin flavedo a vulneribus, quae haec et similia inferunt, oritur, nemo sibi in animum ambigere inducet. Ab ea vero, quae signum icteri praecipuum constituit, ex toto discrepat. Nec urinam, nec ullos ex humoribus secretis, colore suo impertitur. Non in albo oculorum primum sese ostendit, sed circa oras vulneris incipiens, prius in partes vicinas, et deinde in corpus universum, diffunditur. Quinetiam membro, cui injuria fuit facta, frequenter continetur. Denique, optimi physiologorum, quos nostrum viderit seculum, hunc colorem non a bile, sed a fero effuso, quod colore hujusmodi corpus inquinare consueverit, proficisci existimant.

3. *Febris Indorum Occidentalium flava.*—Haec febris et icterus omnibus fere signis inter sese differunt. In illa pyrexia semper subest, in hoc semper, contra, deest, nisi morbus cum aliquanto hepatitidis fuerit conjunctus, vel ab ea pendeat ex toto symptomaticus. Flavedo oculorum et cutis primis fere icteri signis ab omni medico accensetur; ea vero, quae febris Indorum Occidentalium flavae propria est, non, ante biduum exactum, semet in conspectum

spectum dat. Qui hac laborant, in anxietate et oppres-
sione circa praecordia, et dolore hypochondrii dextri,
omnino carent. Quinetiam rubor faciei et oculorum ho-
rumque ardor molestissimus in primis hujusce febris signis
sunt, et a sagacissimis, qui medicinam opud Indiam Oc-
cidentalem faciunt, cohortis Hippocraticae pro pathogno-
monicis habentur. Insuper, alvus semper soluta est, et
bilis in canali alimentario non deficit, sed evidenter re-
dundat. Ab absorptione hujus ex intestinis, ut in cholera
incidit, flavedinem proficisci judicio acerrimo praediti phy-
siologi opinantur. Vix audiendi, me judice, sunt illi, qui
hoc signum ab humoribus putrescentibus deducunt; nam-
que, si proclivitas humorum ad putredinem eo usque, ut
corpus colore flavo posset impertiri, processisset, pauci,
vel nemo e febre emergeret; quod minime incidit.

Quinetiam operae pretium foret, licet ab ordine differ-
tationum hujusmodi communi alienum esse videretur,
causas, quae hunc morbum soleant movere, diversas a
se invicem accurate distinguere. Hoc enim facto, via
medendi, in quam deberet procedi, multo clarior et ma-
nifestior evaderet.

Si aeger doloribus hypochondrii dextri vel epigastrii per spatium temporis minime breve ante colluctatus sit, quam morbus in eum invaserit, si vultus pallore insigni et inufitato fuerit notatus, adeo ut cachexia laborare existimari potuerit; si notae dyspepsiae eum infestarent, et morbus, ex quo accesserit, uno eodemque tenore perrexerit; non longe a vero, iudicio meo, desectes, si eum a tumoribus hepatis partiumve ei vicinarum proficisci iudices. Namque morbus continuus, et paroxysmis destitutus, a causa permanente et stabili oriatur necesse est.

Utrum calculus in ductibus inhaerens, an spasmus iisdem illatus, morbum faciat, pro certo distinguere perquam difficile esse videtur. Etenim utrumque signa sibi invicem simillimà comitantur. Si vero paroxysmus brevi ad finem perducatur, si nullus calculus descendat et in stercore appareat, si ira aliive affectus animi violentiores in causa, cur paroxysmus oriatur, sint, spasmus morbum excitasse concludere licet, si fas sit, summa auctoritate repugnante, talem causam agnoscere. Sin aliquis corporis nifus violentior, equitatio, vomitio, saltatio, cursus, &c. quae ad calculum e vesicula fellefera in ductum còmmunem depellendum accommodantur, morbum fecerint, nihil, quin calculum pro causa habeas, obitare videtur.

Quae mortales morbo opportunos efficiunt.—Qualia haec sint, medici adhuc magna ex parte ignorant; morbus enim illos saepe occupat, in quibus summa sagacitas nihil detegere valeat, quod feminium constituere posse videatur. Cum vero mulieres saepius, quam viri, et literarum cupidi prae aliis in hunc morbum incidant, et haud dubie ob vitam, quam agunt, sedentariam, nihil, me iudice, quo minus haec pro feminio haudquaquam insolito habeatur, obstare debet. Quomodo mortales ad morbum proclives reddat, intellectu minime facile. An bilem in vesicula felligera nimis diu manere, viscidam, praeter consuetudinem, ob partes tenuiores absorptas, fieri, et igitur calculis fundamenta jacere patitur? Omnes animi affectus, qui eum contristant et degravant, ut metus et moestitia diuturna, &c. et temperamentum melancholicum, quod animo demisso metuque mortis constante nunquam vacat, idem praestare dicuntur, et eundem in modum forsitan agunt. His, iudicio nonnullorum, accedunt usus liquorum spirituosorum immodicus, haemorrhoids, et menstrua suppressa, cortex Peruvianus in febribus intermittentibus depellendis imprudenter adhibitus, morbi cutanei retropulsi, cathartica et emetica, ad quae intempestive fuit decursus. Qua ratione vero quaedam ex his proclivitatem ad morbum dare possint, me ex toto latet. Igitur actionem eorum,

rum, cum tantis tenebris sit involuta, sagacioribus explicandam lubens relinquo.

QUÆ MORBUM EXCITANT.

Quae hoc praestant, ea numerosa sunt, et nonnullis in exemplis ignota. Namque cadaveribus quorundam, qui vivi ictero saepe laboraverant, incisis, nihil omnino fuit repertum, unde morbus profectus esse existimaretur. Praecipua vero, quae chirurgos medicosque non fugerunt, infra recensentur.

1. *Bilis in vesicula felle nimis viscida reddita.*—Hanc Monroius celeberrimus, quo non praestantior alter vel in re physiologica vel in re anatomica, causis, unde icterus profluat, annumeravit. Nec ratio, cur ita fecerit, gravissima deest. Multi etenim, in quos paroxysmi icterici graviter saevierunt, quantitatem bilis admodum viscidae dejecerunt, et in posterum, saltem in tempus, a morbo immunes vixerunt. Quae excreta fuit, ea vitellum ovi retulit. His in exemplis, morbus non alii causae, calculo nempe, jure tribui potuit; nihil enim hujusmodi in stercore diligentia

diligentia summa detegere valuit. Haec bilis aliquam ductus communis partem, forsitan finem ejus, ubi in duodenum hiat, occlusisse merito censetur. Hanc mutationem morbidam, ob absorptionem partium tenuiorum, subire potuit. Quot quamque diversis modis a statu sano et naturali deflectat, dictu in primis difficile est. Hoc notasse sufficiat, nihil fere ea magis esse mutabile; et igitur minime mirum esse, morbos graves hinc frequenter proficisci solere.

2. *Tumores hepatis ipsius partiumve ei vicinarum.*—Hos icterum saepissime facere, testantur incisiones cadaverum innumerae, quas Morgagnius celebris multique alii, qui in morborum causas et sedes inquisiverunt, memoriae prodiderunt. Quantum hepar ipsum spectat, si tumor etiam modicae magnitudinis in parte ejus concava et inaequali orietur, prope ductus biliferos ad duodenum descendentes situs, neminem, qui rem anatomicam rite novit, potest latere, illum has adeo, ut descensui bilis in futurum ex toto obsistatur, coarctare et comprimere posse. Exemplum hujus memorabile refert celebris Swietenius *. Cadaver mulieris, quae hoc morbo fuerat extincta, incisum est. Stomachus tam amplius tamque inflatione distensus reper-

tus

* Vide Comment. in Aph. Boerh. 935.

tus est, et tam profunde ab ostiis duobus dependit, ut fundus ejus tres digitos tantum abesse pubis distaret. Omentum et colon longius etiamnum deorsum propulsa sunt. Hepar colorem viridem habuit, ficcum, durum, tumoribus schirrosis asperum, infra costas spurias lateris dextri detrusum. Nullae in eo vomicae fuerunt repertae; sed rami venae portarum, in id diffusi, magnopere distensi. Insuper, vasa omenti, mesenterii, et intestinorum, varicosa fuerunt, et sanguine praeter consuetudinem repleta. Vesicula fellis adeo fuit distensa et tumefacta, ut ad os illi dextrum usque patuerit. Libram aut circiter humoris limpidi, odore destituti, sapore salini, et colore vix subviridis, continebat. Calculi diversae magnitudinis et figurae reperiiebantur. Extrinsecus crustam duram et albidam habebant, pars media continebat materiam admodum flavam, sed molliorem. Quinetiam, cum hepar et non pauca abdominis viscera semet mutuo contingant, tumores horum idem praestent oportet. Exempla hujus suppeditare consueverunt viscera sequentia, intestina, potissimum vero duodenum, colique curvatura, pancreas, omentum, mesenterium, tunicae ductuum biliferorum ipforum. Hae inflammatione vel aliquo alio morbo, testibus viris celeberrimis Morgagnio Monroioque seniore, eo usque fuerunt correptae, ut tantam crassitudinem sibi comparaverint, quanta,

quanta, in posterum, descensum bilis, lumen ductibus vel multum imminuendo vel penitus obturando, magnopere retardavit vel ex toto impediit. Posterior ex viris claris modo positis memoriae prodit, ductus ipsos interdum con- crescere morbumque progenerare. Exemplum unum at- tentione dignissimum in medium profert, ubi in quodam aegro, qui magnam medicamentorum varietatem in bien- nium, antequam fato concefferat, frustra sumpserat, con- cretio ductus communis prope ostium ejus fuit reperta. Sequentia quoque morbum movere possunt, duodeni dis- tensio, unde unde proficiscatur, pars coli, quae hepati so- leat applicari, ob molem stercoreis flatumve intumescens, glandulae lymphaticae, capsula Glissonii inclusae, magni- tudine sua per tumores adauctae. Cibis quilibet tenax, concoctuque difficilis, in duodeno nimis diu morans, et eam forsitan ductus communis partem, quae in canalem alimentarium hiat, occludens, ad morbum movendum ac- commodari videtur. Quod sequitur, hoc firmare videtur. Quidam aegrotus, magna feminum grossularum quantitate, quam se ante viginti dies edisse postea meminit, rejecta, morbo protinus liberatus est. Insuper, exempla non de- sunt, ubi ulcera externa exsiccata tumores circa hepar ex- citarunt, qui hunc morbum fecerunt mortemque intule- runt.

runt. Casum hoc genus insignem refert Bonetus *. Gregorius filius, vir in primis doctus et ingeniosus, in praelectionibus suis clinicis, exemplum mulieris memoriae tradit, cui hic morbus ab hydatidibus ortus est. Ducentas harum aut circiter deiecit. Distensio autem a tanto earum numero orta ductus, per quos bilis devehitur, facile coarctare et comprimere potuit.

3. *Calculi e bile compositi*.—Duas corporis partes concretis calculosis, vias nempe biliferas et uriniferas, ante omnes alias, patere compertum habemus. Quomodo vero concreta hujusmodi fiant, magna ex parte ignoramus. Quantum ad calculos e bile confectos attinet, aliquis nucleus datus particulas bilis viscidas sibi forsitan attrahit, et ita tandem calculum, fontem icteri longe maxime communem, progignit. Unde vero hic nucleus suppeditetur, qualisve sit, utrum e particula bilis praeter consuetudinem crassa et viscida, an ex aliquo longe diverso a vasis sanguiferis ibi effuso et deposito, constet, nos ex toto latet. Qui calculi hunc morbum faciunt, ii ab illis, quos urina procreat, hoc, quod aliquid oleaceum continent et flammam concipiunt, magnopere different. Inter sese non minus discrepant.

* Anat. Pract. lib. iii. sect. xvi. Obs. iii. tom. ii. p. 280.

discrepant spissitudine, gravitate specifica, figura, magnitudine, colore, duritie, facilitate, et difficultate, quibus dissolvuntur vel ardent. Alii compacti, duri, ponderosi; alii molles, friabiles, leves. Aqua plerumque specificè leviores. Res vero aliter interdum sese habet; namque nonnulli in aquam coniecti ad fundum protinus descendunt. Ductum hepaticum non raro communem saepissime occupant. In ductu cystico siti quoque, si bene longe in eum descenderint, et tantum magnitudinis habebunt, quantum finem hepatici initiumve communis vicinum comprimere poterit, icterum movere valebunt. Hos saepe in causa, cur icterus oriatur, esse testantur calculi ipsi, post mortem, in ductibus ipsis inhaerentes reperti, stercus quod eos excretos saepe continet, dolor hypochondrii dextri acutus vi eorum distendente factus, accessio morbi decessioque abnormis, quae a calculis formam parum regularem habentibus sedemque mutantibus proficisci videntur. Hanc ob causam calculi, paroxysmo ad finem perducto, frequenter in stercore non reperiendi sunt, quod situm tantum mutarunt, et non descenderunt. Quinetiam per ductus transeundo icterum movere, et in canali alimentario postea liquefcere, et igitur in excretis alvinis non semet ostendere, possunt. Hoc vero rarissime incidere videtur. Namque soluti saepe difficillimi sunt, ut Monroius

celeberrimus, indagator naturae hujusce morbi felicissimus, in praelectionibus suis manuscriptis testatur, et tantum ut liquecant absunt, ut, contra, per intestina transeuntes mole crescant, et summam aegroto molestiam facessant. Calculi vero vesiculam felliferam tenentes, ut auctor modo positus testatur, quod haec aliquando colo adhaeret, viam sibi, nonnullis in exemplis, in colon patefecerunt, et una cum stercore fuerunt excreti.

4. *Spasmi*.—Aliqui summi viri, in quibus Hoffmannus ipse est, ductus biliferos spasmis objici, et igitur hos pro causa icteri habendos esse, contendunt. Alii, contra, qui non minus claritudinis et famae in medicina sibi compararunt, in sententiam ex toto contrariam iverunt. Utrum illi, an hi, in errore versentur, non opis est nostrae statuere. Igitur nihil aliud, quam argumenta hinc inde quam brevissime proponemus. Cum canalis alimentarius, inquit illi, ad spasmos plane evidenterque proclivis sit; cum icterus morbos spasmodicos, ut colicam convulsivam, hysteriam, ileum, &c. frequenter excipiat; cum ductus ipsi, ut Hallerus accuratissimus confitetur, licet structura eorum muscularis nondum plene demonstrata sit, irritantibus applicatis, semet nonnihil contrahant; cum fabrica muscularis in corpus universum, pauculis partibus, ut sub-

stantia

stantia nervosa, cellulosa, ossibus, cartilaginibus, &c. exceptis, sese diffundat; cum morbus, nullis calculis excretis, saepe subito accedat et decedat; cum affectus animi concitatiores, qui spasmum superficiei corporis plane inferunt, et igitur forsitan ductus biliferos eodem modo afficiunt, eundem non raro movere soleant; cum denique incisiones cadaverum accuratissimae nullum vel in ductibus ipsis vel in duodeno obstaculum, quod ad fluxum bilis sistendum accommodetur, saepe offendere possint; quidnam alicui in animum inducere debet, fibras musculares ductibus biliferis deesse, aut spasmos eos occupare non posse, et ita morbum creare? Hi, contra, argumenta supra relata nihili aestimanda esse, nullumque pondus habere debere contendunt, quod nullae fibrae musculares ulla arte, vel cultro anatomico, vel stimulis mechanicis chemicisve admotis, in ductibus clare detegi possunt. An spasmus, inquiunt, ibi subesse potest, ubi fibrae musculares, quas solas invadere valet, ex toto defunt? Quantum affectus animi violentiores spectat, eos morbum excitare posse lubentes confitentur; sed modo longe alio, ac illis placuit, agere contendunt. Namque, horum iudicio, spasmum corpori extremo inferendo, cursumque humorum igitur interiora versus faciendo, excretionem bilis magno-pere adaugent, quae concussioni corporis, quae iram alios-

que animi affectus similes constanter comitatur, adjuncta calculos, ante in cystide sitos, in ductum communem depellit, et ita morbum facit. Quinetiam non inficiantur, spasmus duodeno, quod perquam irritabile est, illatum tales contractiones posse ciere, quales ostium ductus communis claudere, et igitur icterum, qui breve spatium habebit, excitare valent. Quomodo vero hinc, cum ulla ratione gravi, potest concludi, spasmus aliquidve spasmo simile cum ulla ductuum biliferorum parte fuisse communicatum? Denique, incisiones cadaverum, quae nullos calculos pauculis in exemplis adfuisse demonstrant, nihil omnino, ut hi arguunt, valere possunt; namque in canalem alimentarium delapsi liquefcere potuerunt.

CAUSA PROXIMA.

Haec autem, ut Gaubius celebris docet, est effectus feminii et causarum excitantium conjunctus. Nonne vero omnes causae, quas supra posuerimus, excitantes noxaeve, uti appellantur, ad *excretionem bilis impeditam* faciendam plane evidenterque accommodantur? Hanc igitur pro
causa

causa icteri proxima haberi oportet, faltem in nonaginta novem e singulis centum exemplis, et forsitan in multo pluribus.

Quaestio vero hoc in loco, antequam ulterius progredimur, excutienda est, nimirum, utrum secretio impedita necne icterum facere possit.—Secretionem autem hepatis impeditam icterum movere posse, bona pars medicorum, qui seculo superiore initioque praesentis floruerunt, crediderunt. In hanc sententiam vero concessere theoria falsa a vero detorti. Namque illis fuit persuasum, omnes humores, qui in toto corpore secernuntur, sanguini, qui quidem omnium, quotquot sunt, fons et origo est, propria sua forma inesse. Si res autem ita sese haberet, quam heterogenea massa foret sanguis? Quam varia et diversa, immo contraria, contineret? Res vero longe aliter se habet; namque sanguis, licet, ut modo diximus, omnium humorum parens communis sit, ne unam quidem notam ullius fluidi secreti, antequam per glandulam ei secernendo destinatum transiit, ostendit. Quod clare manifesteque demonstrat, humores, qui secernuntur, non formaliter, si tam inquinate scientiae causa loqui liceat, sanguini inesse, sed naturas eorum diversas a diversa glandularum, unde secernuntur, structura pendere. Sanguis,
exempli

exempli gratia, e vena portarum hepar ingressura emissus, nulla omnino naturae bilis indicia exhibet. Quod rem ulterius firmat, immo indubitabilem reddit, hepar universum schirro saepe laborat, et nulla icteri nihilominus signa semet ostendunt. Si bilis vero sanguini inesset, haud dubie, exitu usitato sibi negato, corpus universum colore suo, spatio brevi, inficeret, et icterum gravissimum progeneraret. Si theoria denique, quam oppugnamus, vera foret, icterus per totum vitae decursum mortales infestaret; namque sanguini constanter inesset. Hoc vero non incidit, et igitur theoria falsa sit oportet.

Proximum autem est, ut in hoc, utrum secretio bilis praeter consuetudinem adaucta icterum necne possit excitare, inquiramus. Eam icterum verum, quem supra depinxerimus, creare posse negamus; sed symptomaticum facere valere lubentes confitemur. Exemplum hujus luculentum nobis suppeditat cholera, ubi bilis quantitate inusitata secreta, et in canali alimentario per vasa lymphatica absorpta, icterum, comitem hujusce morbi perpetuum, movet. Exemplum quoque praebet febris Indorum Occidentalium flaya, ubi bilis easdem ob causas nimis liberaliter secreta idem praestat. Exemplum itidem sufficit diarrhoea ista, quae in pueros brevi spatio a partis saepe in-

vadere solet, ubi excretio bilis non impeditur, sed, contra, augetur, ut stercus praeter consuetudinem flavum plane testatur. Emetica et purgantia draastica denique, quae icterum symptomaticum aliquando movent, huic opinioni fidem faciunt. Quomodo vero? Nonne ductus biliferos emulgendero, ut quantitas bilis insolita excernatur, faciunt, quae postea ex intestinis absorpta effectum modo positum edit.

Pars autem laboris nostri, in hac dissertatiunculae portione, extrema est, ut rationem, qua bilis sanguinem ingrediatur, breviter investigemus. Per poros biliarios vero prius in venam cavam, deinde in reliquum systema sanguiferum redeat, vel in idem per vasa lymphatica absorbentia invehatur, necesse est. Si prius falsum esse demonstrare poterimus, posterius verum sit oportet. Illi autem et analogia et experimenta, quae omne ratiocinium supervacaneum efficiunt, adversantur. An aliquid ei, quod petitur, in universo corpore humano, simile incidit? An unus quidem liquorum secretorum in systema sanguiferum aliter, quam absorptione, revehitur? Nonne natura sapiens motum liquorum, qui secernuntur, huiusmodi retrogradum omni, quod in sua potestate fuit, artificio praecavendum curavit, et eos cursum, quem modo tenuerunt,

erunt, relegere prohibuit? Cum liquores in ductus biliferos in cadavere, ubi omnis sanguis e vasis summa diligentia expressus et elutus est, immissi viam sibi ad venam cavam, sine ruptura, reperiri nequeant, quomodo, quaeso, bilis contra vim sanguinis et fluentum, in corpore vivo, retro redire potest? Ad experimenta vero, omni ratiocinio longe potentiora, decurratur. Ductum communem canis ligavit Monroius celeberrimus, quod icterus brevi excepit, et vasa hepatis lymphatica absorbentia bilem continere reperta sunt, quae omnes bilis genuinae dotes plane manifesteque habebat. Quinetiam ductum hepaticum ductumve communem, et partem ductus thoracici infirmam, vinxit, et nulla icteri signa apparuerunt. At omnibus animalibus, in quibus ductus thoracicus liber relictus est, tota sanguinis massa paucis horis tingi, consuevit. Quae experimenta bilem sanguinem absorptione sola ingredi aperte clareque demonstrant.

PAUCU-

PAUCULORUM E SIGNIS EXPLICATIO.

Supra comprehensa tantum luminis, me iudice, signis offuderunt, ut explicationis longae minime indigeant. Igitur hic brevitati studere pro virili conabor.

Flavedo oculorum et cutis plane proficiscitur a bile parti sanguinis ferrosae admista, et citius in oculis, quam alibi, propter partis eorum albedinem, apparet; *faeces albae ventriculique perturbatio* a defectu bilis, quae sterminus suo flavo colore impertitur, alvum solutam tenet, concoctionem promovet, inflationi, aceri, aliisque signis similibus, inimica; *urina obscure rubra* a bile ei admista, quae omnes humores secretos ictero laborantibus tingit; *dolor hypochondrii dextri* a spasmus, si datur spasmus, vel a calculis per ductus transeuntibus, eosque distendentibus et irritantibus; *corporis universi torpor et lassitudo* ab illo consensu nervoso forsitan, prohi dolor! inexplicabili, qui intestina inter et reliquum corpus intercedit; *nausea vomitionem, &c. movens*, ab eadem consensu inter partes laborantes et ventriculum; *cutis pruritus* a bile nervulos cutis irritante; *spiritus difficilis*, et *summa*

præcordiorum anxietas, ab hoc forsitan, quod aegroti motus diaphragmatis reiteratos dolorem hypochondrii dextri adaugere comperientes, aërem minus libere inspirant, sed spiritum frequentius trahunt, quod facit, ut sanguis in pulmonibus non satis distensis nimis accumuletur, et signa, quae exponimus, inde oriantur; *color* eorum quae conspiciuntur *flavus* ab humore oculi aqueo luteum colorem sibi adepto, qui objecta oculis eodem colore, cujus ipse est, impertitur, ut in exemplo specillorum notissimo incidit, quae, pro diversitate suorum colorum, quemlibet colorem objectis comparare confuerunt.

P R O G N O S I S.

Qualis morbi finis futurus sit, manifestius indicabit causarum cognitio, quam signorum gravitas. Si morbus a spasmis oriatur, finem faustum habebit; namque hi non diu manere possunt. Si a calculis proficiscatur, eventus admodum incertus est; namque frequentur nulla medicinae ope in canalem alimentarium depelli possunt. Si quotidie ingravescat, salus aegroti desperanda. Si cum hepaticide conjungatur, perquam quoque incertus est; schir-

rus enim hepatis inflammationi supervenire, morbumque perpetuum reddere periclitatur. Si a tumoribus duris pendeat, aegrotus etiam in summo periculo versatur; hi enim saepissime, non sine summa difficultate, discuti solent. Si ductus concreverunt, aegrotum restituere frustra conabitur medicina.

R A T I O M E D E N D I.

Consilia autem morbum curandi quatuor sunt.

1. Ductus bile viscida liberare.
2. Tumores hepatis ipsius partiumve ei vicinarum tollere.
3. Calculos, qui ductus occludunt, in intestina depellere.
4. Spasmos, si eos adesse suspiceris, tollere.

1. *Ductus bile viscida liberare.*—Magnopere quidem dolendum est, neminem praesentiam hujusce causae, antequam bilis ipsa descendit, novisse posse. Igitur in exemplo hujusmodi nulla omnino remedia possunt adhiberi. Si

vero

vero eam in causa esse suspiceris, ad emetica valentiora decurratur, quae ductus exagitando bilem iisdem inhaerentem in intestina forsitan depellent. Nec ulla alia huic consilio necessaria esse videntur remedia.

2. *Tumores hepatis ipsius partium ei vicinarum tollere.*—Hi autem vel schirri plerumque sunt, vel ad naturam eorundem magnopere vergunt, in quos nulla medicamenta, quae mortales adhuc noverunt, multum possunt. Rebus ita se habentibus, cum remedium anceps potius, quam nullum, debeat tentari, ad cicutam, mercurium, aquasve medicinales confugiatur. Nihil forsitan proderunt; vota enim medicorum saepissime frustrantur; saluti tamen curae nostrae demandatorum, quantum in nobismetipsis est, consulere conandum. Cicutam multis laudibus ornarunt medici Germanici, praesertim vero clarus Stork. Apud Britannos vero, nec in hoc morbo, nec in quolibet alio, ubi tumores discutere voluerunt medici, votis eorum respondit. Mercurii igitur, qui multo plus auxilii promittit, periculum faciendum. In glandulas salivam fecernentes potissimum agit. Si pancreas igitur, quod liquorem salivae non dissimilem fecernere existimatur, tumefactum morbum faciat, in auxilium hujus promptum forsitan esse reperietur. Modica quantitate sumatur, et in usu ejus diu per-

fletur.

stetur. Aquae medicinales, quae salibus mediis imbutae sunt, et igitur vim purgantem habent, non neglectui habeantur. Aliquid fructus enim inde forsitan percipietur.

3. *Calculos, qui ductus occludunt, in intestina depellere.*—

Quae remedia huic consilio conveniunt, ea plane sunt emetica et purgantia leniora. Sanguis vero, antequam ad ea decurritur, si dolor hypochondrii dextri urgeat, et signa febrilia, etiam leviora, adsint, mittendus est; quod systema universum relaxabit, et descensum forsitan calculi expediet. Rebus ita se habentibus, regimen antiphlogisticum diligenter adhibendum. His autem rite praemissis, in usum revocentur emetica et purgantia. Quomodo agant, neminem latere potest. Motum peristalticum invertendo, eundemve accelerando, agunt; et igitur ductus biliferos quasi emulgent, secretionem bilis et excretionem augmentia. Hoc modo calculos ductibus inhaerentes in canalem alimentarium forsitan pollicere poterunt. Si emetica non hunc effectum, omnibus votis exoptandum, brevi edent, non diu in usu eorum persistetur; morbum enim graviolem, calculos ductibus arctius infigendo, reddere periclitantur. Quae purgantia dantur, ea bilem ipsam dotibus suis stimulantibus quam maxime referant. Hujusmodi sunt aloetica, salesque medii, quibus saponem et amara

moris est multorum adungere. Si haec vero non tantum in morbum, quantum optamus, poterunt, opium, fomenta, balneum tepidum, liquores tepidi, in alvum liberaliter immittendi, adhibeantur, quae ductus relaxando et emolliendo, ut calculus facilius descendat, forsitan facient. His exercitatio adjungatur, quae ad calculos detrudendos plane accommodatur. Si signa graviora reddere incipiat, ea momento abstineatur.

4. *Spasmos, si eos adesse suspiceris, tollere.*—Huic sequentia, quorum actionem supra exposuimus, accommodantur, opium, fomenta externa et interna, lenis alvi purgatio, et denique missio sanguinis, si accesserint signa febrilia. Emeticis vero, utpote quae spasmos graviores efficere periclitentur, quod quidem vi sua irritante facere possunt, abstineatur suadet Hoffmannus.

